

کٹرینا تُفان دی تباہی آتے بُش سرکار دی بیپرواہی دسّی
ہے کہ موجودہ راج تنتر لوکاں دا دُشمن ہے۔

امریکہ دے دکھنی پوربی سمندری علاقیاں وِچ کٹرینا نام
دے تُفان نے بے انت تباہی ڈھائی ہے۔ اندازے ہن کہ ہزاراں
ہی لوک مارے گئے ہن آتے لکھاں دے گھر برباد ہو گئے
تے اوہ بیگھر ہو گئے ہن۔ ساریاں نالو زیادہ نُقصان
نیو اورلینس وِچ ہویا دسیا جاندا ہے۔ اس شہر وِچ پنج
دناں توں وی زیادہ اک لکھ دے قریب لوک ۳۰ فٹ
اُچے پانی وِچ گھرے رہے آتے اوناں نوں سرکار نے
کوئی وی مدد نہیں پہنچائی۔ اس دوران ہزاراں لوک بھکھ،
بیماری آتے موت دے گھاٹ اُتر گئے۔

امریکہ دا راشٹرپتی جارج بُش کراپہرڈ وِچ اپنے فارم تے
چھٹیاں منا رہیا سی جدوں تُفان نے اس علاقے نوں
آپنی لپیٹ وِچ لے لیا۔ تُفان دے آؤن توں پنج دن
پہلاں ہی ایہ خبراں ملیاں سن کہ ایہ تُفان بہت ہی تباہکن
ہووے گا۔ ایہ تُفان ۱۴۰ میل فی گھنٹے دی رفتار نال نیو
اورلینس ولّ ودھ رہیا سی آتے ماہراں دی رائے سی کہ
اس نال بہت ہی نُقصان ہووے گا۔ لوزیانا دے گورنر آتے
سرکار نے لوکاں نوں شہر چھڈ جان لئی تاں کیہا پر

کوئی وی ایسا انتظام نہیں کیتا جس نال غریب، بیمار، بزرگ
 آتے پور کمزور لوک اس تُغان دی تباہی توں بچا کے محفوظ
 تہاں لَجائے جا سکدے۔ نیو اورلینز دا سارا شہر ۳۰ فُٹ
 پانی وِچ دُب گیا۔ اک لکھ توں وی زیادہ لوک اس
 وِچ پھس گئے۔ جارج بُش دی سرکار نے چھ دن تک کوئی
 وی قدم نہیں چُکّیا جس نال انہاں لوکاں دی مدد کیتی
 جا سکدی سی۔ باہر لے شہراں توں جہڑے شہری اوتھے مدد کرن
 لئی جان دی کوشش کر رہے سی اونان نوں روک دتا گیا۔
 چھ دن تک پھسے ہوئے لوک، بھکھ، بیماری آتے موت دے
 شکار ہندے رہے۔

لوزیانا دے لوکاں آتے افسراں نے اس نوں اک قومی
 دھروہ آتے قومی شرم والی گلّ کیہا ہے۔ جارج بُش آتے
 امریکن سرکار آئے اس وحشی رویئے لئی نیو اورلینس شہر
 دے دوالے بنائے بٹھ ئُنن دا بہانہ بنا رہے ہن۔ پر
 ایہ اس گلّ تے پردہ پا رہے ہن کہ پچھلے کئی سالان
 توں امریکی سرکار نے انہاں بٹھاں دی مَرمت کرن دا
 کوئی انتظام نہیں سی کیتا آتے اس کم لئی لوڑیندا پیسہ
 نہیں لایا سی۔ انہاں بٹھاں ول کوئی دھیان نہیں دتا گیا
 سی آتے لوکاں دی جان مال نوں خطرے دے مُنہ وِچ پا
 دتا گیا سی۔

تُفان دے بارے کافی چیتاونی دتی گئی سی۔ تُفان آؤن توں
پنج دِن پہلاں پتہ سی کہ ایہ تُفان بہت خطرناک تے
تباہکن ہووے گا پر جارج بُش دی سرکار نے کوئی ایسا
قدم نہیں چکّیا جس نال لوکاں نوں ترتیب نال اس تُفان
دی لپیٹ توں بچایا جا سکدا سی۔ لوکاں نوں قُدرت دی طاقتاں
نال نیپن لئی بناں کسے مدد دے چھڈ دتا گیا۔

لوک پُچھ رہے ہن کہ جس پُہرتی نال جارج بُش نے
عراق اتے حملہ کرن لئی سارے انتظام کر لئے سی اوس
پُہرتی نال لوکاں نوں تُفان دی تباہی توں بچاؤن لئی کوئی
قدم کیوں نہیں چکّیا گیا۔ کیہ جارج بُش اتے اوس دی
سرکار ۱۰ دِن سٹی پئی رہی سی؟ سرکاری افسر ایہ وی
دسدے ہن کہ لوکاں دی مدد لئی فوج وی ہے نہیں سی کیونکہ
لوزیانا نیشنل گارڈ دے جواناں نوں عراق وچ بھیجیا گیا
ہویا ہے۔

امریکہ دے دوسرے شہراں اتے علاقیاں وچ عام شہری تُفان
دی لپیٹ وچ آئے ہوئے پیڑت لوکاں دی مدد لئی بہت اُدم
کر رہے ہن۔ ہر چھوٹے وڈے شہر وچ لوک دُوائیاں،
کھان دی سامگری، پیسے اتے ہور وستاں اکٹھیاں کر کے اوتھے

پہنچاؤن دا پر بندھ کر رہے ہن۔ ڈاکٹر، نرساں آتے
ہور ولنٹیئر موقعے تے پہنچ رہے ہن۔

اس قدرتی آفت دے کیتے گئے نقصان بارے جارج بش دی سرکار
دے وتیرے توں ایہ گل صاف ہندی ہے کہ ایہ حاکم جماعتاں
راج کرن دے قابل نہیں۔ ایہ راج تنتر لوکاں دی سیوا لئی
نہیں بلکہ اوناں دا دشمن ہے۔ ایہ راج تنتر حاکم جماعتاں
دے ہتھ وچ لوکاں دے خلاف اک ہتھیار ہے جس نال اوہ
آپنے منافعے ودھ توں ودھ ودھاؤندے ہن۔ اک پاسے توفان
دی تباہی دے شکار ہوئے لوک ہن۔ دوجے پاسے تیل والی
کمپنیاں نے تیل دے بھاء ودھا کے آپنے منافعے ہور ودھاؤن
دا موقع سانبھ لیا ہے۔ اسے تراں سرمائے داراں دی ہورناں
ڈھائیاں نے لوکاں دیاں تکلیفاں نوں آپنے منافعے ودھاؤن
لئی ورتیا ہے۔ جارج بش دی سرکار آتے اجاریدارا میڈیا
بار بار پرچار کردے رہے کہ توفان دی لپیٹ وچ آئے
علاقیاں وچ افراتپہری مچی ہوئی ہے تے لوک دوکاناں دی
لٹمار کر رہے ہن۔ آپنے گھر بار گوا چکے بھگھ آتے
ہڑ دے مارے ہوئے غریب لوک جے کسے سٹور چوں کھان پین
دی کوئی چیز لے لیندے ہن جاں کپڑے لے جانداں ہن تاں
حکومت انہاں نوں مجرم گرداندی ہے آتے موقعے تے ہی
گولی نال مار دین دی گل کردی ہے پر دوسرے پاسے اس

نے اک بار وی ایہ اعلان نہیں کیتا کہ تیل دیاں قیمتاں
وچ کوئی وادھا نہیں ہونا چاہیدا آتے جہڑا وی تیل دی
قیمت ودھائے گا اوس نوں سزا دتی جاویگی۔ انہاں کمپنیاں نے
اس موقعے دا فائدہ اٹھا کے اپنے بینک بھر لئے ہن،
جد کہ لوک پٹروں دے وڈھ رہے بہاء کر کے بہت اوکھے
ہن۔

امریکہ دے لوک اس دکھانت توں اس راج تنتر آتے
ووستھا دے وحشی خاصے بارے بہت ہی وچار وٹاندرا کر رہے
ہن آتے اپنے تجربے توں سٹے کڈھ رہے ہن۔
ہر پاسے اکو ہی گل دی چرچا چل رہی ہے کہ جارج
بُش دی سرکار آتے سارے راج تنتر نے جس وحشی آتے
جابر و تیرا اپنایا ہے اوس توں ایہ ہی ثابت ہندا ہے کہ
ایہ سارا ڈھانچہ اوناں دی بہلائی لئی نہیں ہے۔